

欽定剿平三省邪匪方略

欽定剿平三省邪匪方略正編卷五十九

丁巳年

十二月十七日

王

勒保奏言

臣

於四川永寧途

次奉到

諭旨令

臣

速赴明亮等

一路軍營督剿查明亮等現

在興漢一帶距川省北棧甚近

臣

正在兼程馳

赴間聞有賊匪由順慶之廣安鄰水岳池直趨

合州長壽有窺伺重慶之意伏念重慶爲川東

門戶長壽尤爲水陸咽喉臣行抵瀘州距彼已

近正當先行剿辦以挫各路賊鋒惟臣輕騎減

從而來本未帶一兵將而前此

奏調黔兵三千名到川尙須時日現已飛飭迎催

究恐緩不濟急查重慶鎮總兵百祥現在合州

一帶臣一面飛飭該鎮星速馳回重慶督兵守

禦一面卽於瀘州一帶多募鄉勇並就近飛令

永寧營叅將馬登朝帶兵三百名星夜前來隨

臣

趕赴重慶剿辦至川省現在賊情蔓延川東

川北擾及一處卽有一處脅從以致愈聚愈多

且爲首巨惡倏東倏西旣無定向姓名亦或屢

更卽如長壽一股之賊聞王三槐卽在其內究

莫悉其確實臣蒙

皇上天恩委以總統重任惟有於剿辦之始查明有

賊地方不拘何股頭目痛剿一二處殲其巨惡  
解其脅從清一處再進一處或先赴宜綿一路  
或先與明亮等會合隨時查看情形和衷商辦  
並先期知照各路領兵諸臣協力齊心逼歸一  
處以期一鼓蕩平

同日觀成劉君輔奏言老木園山梁分紮賊匪  
經官兵四面圍攻該匪等已無路逃生而山勢

綿長四面巉巖山下曲澗深林猶虞賊匪乘間竄逸十二日拏獲奸細萬士虎據供陳崇德因

官兵圍住嚴緊糧食將盡令其下山探聽救應

賊夥現在何處要想衝出穿山溪走石柱山或

衝丹家溝逃往太平

臣

等恐係該匪等藉此傳

言爲聲東擊西之計當卽密飭各路守卡備弁加緊準備並飭遊擊朱進廷楊洪新抽帶官兵

前赴冉家溝及穿山溪附近之長嶺烏鴉坑等處督同兵勇嚴密堵剿十六七日賊匪果乘大雪瀰漫連撲長嶺烏鴉坑卡隘經朱進廷率同兵勇施放鎗礮轟斃賊匪數名賊復拚命搶撲我兵齊用擗石推擲賊匪多滾跌下坡官兵

乘勝追壓割獲首級二十七顆

臣

等一面多發

告示諭令賊衆若能縛獻陳崇德其餘概行投

出尙可邀

恩免死以期離散賊黨一面分派守備劉順千總楊  
富貴等各帶壯健兵勇二三百名於深溪口冉  
家溝等處更番管領扼要埋伏二十三日四鼓  
賊匪從箐林內爬越嶺谷魚貫而下直撲深溪  
口卡隘經守卡官兵堆放木石抵禦伏兵從樹  
林突出奮力截殺賊匪猶拚命格鬪劉順楊富



貴卒領兵勇兩面夾擊將前隊賊匪三十餘人  
盡行殲斃我兵陣亡三名鄉勇受傷五名謹照  
例咨部請卹均奏入

上命軍機大臣傳諭勒保觀成曰勒保奏於途次探  
聞長壽被擾賊匪有窺伺重慶之意卽由瀘州就  
近馳起重慶先行剿辦正與前降諭旨相合可見  
事機順利據稱賊首王三槐聞卽在此股賊內勒

保若能乘銳進擊生擒該逆卽爲入川第一大功  
勉之又據觀成等奏剿殺衝撲營卡賊匪情形殊  
屬無謂老木剋賊匪經官兵圍攻日久勢已窮蹙  
觀成等不能奮力進擊無能已極此次殲斃之賊  
不過三十餘名而摺內猶以嚴密兜圍趕緊剿辦  
爲詞尤爲無恥不知畏懼倘再曠日持久坐候他  
路前來協剿必將伊二人從重治罪

二十日

乙卯

額勒登保福寧奏言首逆覃加耀等

佔踞朱里寨臣等於初四五日督令官兵緊攻

百岩口黃子岩松樹包石嶺干嶺等處並於初

五日將大埡口小埡口一帶營卡官兵先後抽

撤示賊以不復由此進攻之意賊匪果將全力

歸在百岩口黃子岩一帶官兵攻擊愈緊賊人

抵拒益堅薄暮時仍將官兵撤回大埡口等處

並令各鎮將揀挑超勇官兵加以獎賞訂於初六日五鼓同時進擊慶溥張廷彥密令兵勇於大小堽口左右懸崖之上先行繫挂軟梯繩索等件於初五夜三鼓時潛上數十人伏在箐林之中令聽聞四面鎗聲一起卽抄出賊卡之上從高處吶喊拋擲火彈先燒賊棚使之慌亂

臣

等並先因黃子岩賊匪所徇木城之處半係沙

土曾令富森布派兵開挖地窖藏納火藥以便  
臨時舉發再三申令總期必得初六日五鼓後  
各路官兵進擊大小壩口預伏之兵倒壓賊卡  
燃燒草棚賊匪猝不及防卽行潰散慶溥隨卽  
帶兵擁上黃子岩地窖內轟塌木城一處都司  
左俊首先搶撲用矛疊刺賊匪被傷陣亡總兵  
富森布都司李光晟復卽奮力帶兵搶進賊之

木城砍殺甚多維時百岩口松樹包一帶官兵亦俱攻擊副將皂保鎗傷頗重守備葉培英于總王占鰲均有受傷綸布春楊遇春繼又率兵將賊之卡堵掘陷未至天明各處草棚均已延燒烟焰四起各官兵橫衝亂砍天甫黎明尚見賊匪抱頭鼠竄往來奔突忽聞千嶺一帶有六七百人從陡岩衝下自相踐踏及滾跌死者不

計其數千嶺附近各營卡鎗箭齊發斃賊紛紛  
叅將張順把總王進泰天位俱奮勇殺賊陣亡

臣

額勒登保帶領豐紳等由大埡口馳至千嶺

望見賊匪尙在衝下當將佩箭全行射出官兵

盡力砍殺屍積山麓

臣

福寧由黃子岩追殺亦

至千嶺會合此次兵勇割獻首級四百七十二

顆又生擒賊匪張尙緒王連雲等二十五名張

尙緒詆係總先鋒隨將所獻首級令其詳認據  
稱內有林恒德林恒聰皆林之華之子覃加泰  
覃加道皆覃加耀弟兄又有譚祖復等八先鋒  
在內惟覃加耀尙未擒獲而逸出之賊不過二  
百餘人斷不能再有滋蔓盤踞之事惟恐山勢  
層疊難保其不隱匿偷生或情急自盡以致倖  
逃顯戮不可不四面搜捕現囑文圖及總兵張



廷彥慶溥帶兵由長樂縣一帶分路搜剿

臣等

卽帶巴圖魯侍衛等在長陽縣屬之上坪雙古木石版圖一帶搜捕務期生擒覃加耀以彰

國憲所有四川官兵擬令富森布先行帶領卽由巴東一帶分起往川聽候勒保調遣奏入

上命軍機大臣傳諭勒保額勒登保福寧曰覃加耀一犯爲朱里寨股匪首逆額勒登保等未能設法

生縛任其他竄雖所存賊匪不過二百餘人而首  
逆未除難保無復有勾結及逼脅良民附從入夥  
之事乃摺內尙以攻破朱里寨爲伊等之功且稱  
賊匪斷不能再有滋蔓盤踞實屬全無天良額勒  
登保福寧著再傳旨嚴行申飭陣亡叅將張順都  
司左俊把總王進泰天位俱著咨部加等優卹勒  
保此時已早到重慶前調黔兵及屯土各兵亦陸續

續赴川本日又據額勒登保等奏將川兵全行撤  
出交富森布帶往軍威更爲壯盛勒保務須倍加  
奮勉剋日成功

二十一日

丙辰

宜綿奏言查川省大寧太平廣元

通江南江等處在在與陝省接壤該匪等奔竄  
無定一經大兵追剿緊急卽隨處可以闖入

臣

先因賊匪在平利西鄉一帶逼近大寧太平當

勸川北道督率該二縣團勇擇隘堵禦賊匪遂  
從漁渡壩一路退去嗣聞大縣匪衆擾及褒沔  
寧羌又與廣元棧道相接該處本無重兵是以  
將前次所調分防成都鹽亭等處之兵六百名  
盡數撤赴廣元英善亦從保寧分兵二百名交  
叅將徐南鵬帶領協堵詎賊匪狡詐乘大兵聚  
集漢中一帶時仍由漁渡壩折回直竄通江先

令亡命之徒四散焚燒以張聲勢該縣知縣涂

陳策帶領鄉勇於耀金山地方併力堵禦賊匪

不敢前進遂由烏林埡折入南江臣查南江地

處萬山之中距保寧達州均六七百里現在太

平一路賊蹤較遠隨令叅將銜原任總兵楊秀

從太平抽撥防兵一千名馳赴南江堵截詎楊

秀尙未趕到而陝省沔縣寧羗一路賊匪經大

兵剿散不能北竄已從南鄭奔入南江境內該縣裘良駿招集鄉勇先至烏林埡併力堵禦斬獲甚多因南江本無城垣縣治四面環山附近居民一聞賊匪緊逼俱各紛紛逃避賊匪愈聚愈衆夤夜分股由小路繞至縣治放火焚燒訓導余文泰父子均罵賊被害裘良駿聞信星從烏林埡趕回迎頭遇賊擊殺多人賊衆遂由陝

境之沙壩官壩等處退遁正在飛飭楊秀趕緊  
追剿間旋接明亮德楞泰等咨會知陝省賊匪  
自漢中黃沙河大安驛及劉家壩等處屢經大  
兵剿散有由黃官嶺紅廟堂竄近通江者有由  
司渡河一路折至西鄉仍逼近太平者明亮德  
楞泰等帶領大兵卽從通江追剿惠齡等亦從  
西鄉抄入太平截其東竄之路恒瑞慶成已由

廣元取道前赴保寧吉林索倫勁旅卽隨明亮  
等一路繼進兵分數路頗壯聲威此股賊匪如  
高均德王廷詔齊王氏等各首逆均在其內俱  
係兇悍之徒而且川省本境如王三槐徐添德  
等正從長壽折回滋擾墊江大竹逼近梁山達  
州羅其清冉文儔等又盤踞於儀隴營山一帶  
梗阻達州糧餉後路且白岩山老木園兩處均



未剿滅鐵瓦寺一股賊匪又竄至溫湯井一帶亦未能迅速兜擒統計川省之賊川東則夔州重慶達州忠州川北則順慶保寧共係四府兩直隸州經臣督飭鎮將分股堵剿無如兵力實在不敷通籌大局此刻從通江入川之賊既有明亮德楞泰惠齡等分路兜擒賊勢自必潰敗惟王三槐徐添德羅其清冉文儔等出沒滋擾

仍須分股剿洗

臣

現在飛咨恒瑞慶成帶領大

兵卽從保寧營山一路而進與七十五等夾攻

羅其清冉文儔等股匪先清大路其勒保所帶

滇黔官兵三千名由敘永入川

臣

已咨商由重

慶梁山一路行走正可與

臣

會剿王三槐徐添

德股匪以期剋日殲除

宜綿又奏言羅其清冉文儔一股賊匪乘官兵

遠赴廣安鄰水一路卽折竄營山等處滋擾運道隨飛飭總兵索費英阿抽兵回赴渠縣並派副都統七十五抽帶滿漢官兵卽由達州馳往會剿前月十三日索費英阿由渠縣一路進抵靜邊寺地方當遇賊匪率衆前來該鎮督兵佔據山梁鎗礮轟擊匪衆愈聚愈多七十五接據探報由蚊蟲溪一路倍道前進初一日未刻行

餘里兵勇陣亡十九名匪衆復又繞道攻撲石  
家沱卡隘經把總田應龍奮勇擊退殺賊數十  
人生擒一名訊據供稱長壽涪州交界之張家  
箐地方賊匪藏有火藥在內李培垣卽密派田  
應龍益生李雲驥等帶領兵勇星馳前往查起  
詎賊情狡詐該處先有埋伏我兵將至卽放鎗  
拒敵田應龍等鼓勵兵勇拋擲火彈燃及賊藏

火藥轟斃賊人一百餘名其餘匪衆紛紛奔竄  
被兵勇截殺殆盡臣現飛飭七十五索費英阿

暫駐靜邊寺地方並知會恒瑞慶成卽從保寧  
由營山一路進發自可收夾擊之功並督文武  
各員將達州各卡嚴密分布直飛飭保興朱射斗  
等卽由梁山一路偵探賊蹤設法兜剿

同日舒亮穆克登阿奉言白岩山屯聚賊匪計

有萬餘臣等所帶滿漢兵丁僅三千餘名屢次

進擊均係仰攻而上未能得手臣等不時體探

賊情凡遇有可乘之機卽派兵勇無分晝夜趕

緊設法進攻月來時有殲擒十一月二十六七

日分路進攻將賊匪大頭目鍾大保鎗斃勢已

潰散現在鼓勵將弁設法剿辦均奏入

上命軍機大臣傳諭勒保宜綿明亮德楞泰曰川省

竄匪由烏林埡折入南江而陝省沔縣寧羌一帶  
賊匪先從南鄭奔入南江境內滋擾宜綿處兵力  
無多尙能派兵堵剿而索費英阿朱射斗等在靜  
邊寺及鄰水大竹縣等處追殺賊匪擊斃多名所  
辦尙好其在南江罵賊被害之余文泰父子俱著  
咨部加等子卹在靜邊寺等處殺賊陣亡之前鋒  
叅領七十一副叅領存柱都司常在亦著咨部加

等子卹其堵禦賊匪出力之文武員弁等俱著咨部議敘以示獎勵至明亮等一路統領勁兵數千又有各項官兵數萬何難將賊匪截住圍剿乃復予賊以暇任其輾轉竄至通江此次滋擾南江賊匪卽係陝境前股竄往之賊而明亮等輒以山高路險爲辭試思官兵剿賊之路卽係賊匪奔竄之路何得以此藉口明亮德楞泰著再傳旨嚴行申



飭至舒亮等奏攻剿白岩山賊匪一摺仍屬空言  
實屬遲緩無能若再不知愧懼復有遷延決不能  
再邀寬貸也

同日秦承恩奏言查從前賊匪竄入南鄭時各  
弁兵鄉勇奮力堵剿內有鄉勇廩生趙麟生員  
張直毅民人范瑞名何廷佐劉文壽鄧滋瑚回  
民鐵錦馬添喜等均係殺賊捐軀超衆出力可

否照外委例議卹出自

聖恩奏入得

旨允行

同日汪新奏言查賊匪竄往漢中距楚較遠所  
有防江鄉勇自應酌加減撤以節糜費

臣與景

安往返劄商將均州以東豫楚兩省原設鄉勇  
全數裁撤各令歸農其豫省派防官兵應聽景

安調往上游緊要處所派撥防守至鄖陽府屬  
之鄖縣鄖西二縣緊接陝省其漢江南岸卽係  
白河洵陽所轄地面究與賊氛相近江防未便  
全撤現卽減去鄉勇十分之七仍酌留三千名  
交漢黃德道張道源帶領會同河南河北鎮張  
文奇督率防堵俟陝省賊匪廓清再行全撤奏

入報

聞

二十七日

壬戌

明亮德楞泰奏言賊首齊王氏姚

之富等前在陝省經官兵處處截殺卽乘勝追  
剿入蜀該匪等復思牽制官兵分股奔竄齊王  
氏姚之富李全等由青石關回軍壩一帶前遁  
勢將擾及通江縣治高均德等由青石關西河  
口一帶狂奔欲仍由小道折回陝省寧羗地界

臣等酌量情形兩路均關緊要是以臣德楞泰

帶兵由通江回軍壩一路兜剿臣明亮帶兵由

南江西河口一路抄截齊王氏等竄至通江貴

仁關適遇臣德楞泰一路官兵抄前截殺該匪

不能進撲縣治卽翻山向西沙壩等處旁竄其

高均德一股自西河口由北面山徑奔逃臣明

亮察探路徑逐日緊躡抄擊該匪畏避南奔臣

等彼此知會兩路夾攻追逼初二日追剿至麻柳灣地方殲殺無算將兩股分竄之賊仍逼歸一路詎該匪不能分股折竄並因川匪冉文儔一股自焚擾南江之後竄及廣元百丈關齊王氏等遂合夥由流溪羅家壩等處奔竄冀與會合<sub>臣</sub>等一面漏夜追擊一面派賽冲阿阿哈保阿穆勒塔達音泰長春遊擊馬瑜等繞道向前

與

臣

等兜截夾攻初三四等日視賊人所向隨

剿隨進該匪未能趕上冉文儔合夥窮蹙之餘

復生詭計欲將官兵誘向東南以便北竄入陝

遂自橋壩五郎廟四方坡一帶直趨西北廣元

大道

臣

等鼓勵兵勇不帶鍋帳冒雪履冰黑夜

進至分水嶺四方坡二處扼要攔截該匪膽敢

捨命直前衝撲被兩處官兵截殺賊衆踉蹌遁

走復由四方坡北面折回在大蘭會白菓樹等

處屯紮臣等乘勢亦折回追擊臣德楞泰率同

賽冲阿阿哈保等抄向五郎廟穩木壩一帶絕

其折回之路臣明亮率同興肇烏爾圖那遜圖

桑阿溫春等在溪口一路兜剿臣德楞泰率兵

趕到五郎廟已值深夜遂分派官兵在東面一

帶山林溝內埋伏至初七日丑刻賊人分遣探



馬或二三十人或七八十人赴各山探望路徑  
是夜正值大雪官兵在設伏處所借雪光瞭望  
明白不出聲息誘賊近前突出擊殺所有偵探

賊人三百餘名一律殲擒初八日早臣明亮德

楞泰各帶官兵前後進擊賊人恃人數眾多竟

向五郎廟山頭衝突臣德楞泰同賽冲阿等分

據山包鎗擊箭射賊人撲上三次被官兵併力

壓剿殲賊多人賊始敗退又值臣明亮等由後

兜擊前來首尾截殺該匪困而猶鬪分投抗拒

官兵吶喊爭先殲斃甚多生擒執旗頭人四名

餘賊始紛紛潰逃官兵乘勝追殺共計擊斃七

百餘名生擒劉永興等二百十八名餘賊俱向

北面獨山一路狂奔該處山徑幽仄馬兵不能

進追恐墮賊人奸計當將官兵在對面山梁紮

住遂提集獲犯嚴訊據供首逆齊王氏等幾股  
會合後總要渡過漢江前往河南因在陝西被  
官兵處處攔截前月二十四五等日又被殺敗  
齊王氏姚之富等要想將官兵誘入四川我們  
仍由通江南江邊界分起回陝前日因官兵緊  
跟姚之富說不如竄往百丈關會上冉文儔一  
股可以抵敵官兵一面攻打廣元一面由棧道

回陝及到四方坡又遇官兵打敗齊王氏又說  
且折回五郎廟一帶如過得去卽仍由原路回  
陝若再遇官兵卽入獨山一帶山內小路甚多  
大半與陝西交界官兵總不能路路盤住就仍  
折回陝西等語當將該犯等正法梟示查獨山  
以北係達野人村竹壩子等處可通陝省寧羗  
官兵若徒事追剿恐反逼令折回陝境因查東

北有黃柏埡可以扼要堵截臣等當卽率兵前

進抄截並接惠齡來咨已由西鄉馳赴太平臣

等卽飛咨惠齡在太平一帶暫劄毋庸前赴夔

巫如該匪果折回陝境卽帶兵仍至西鄉自東

堵截並囑柯藩愛星阿在北面川陝交界一帶

嚴堵不使再入陝省窺伺漢江

同日恒瑞英善慶成奏言臣等於本月初五日

帶兵向儀隴營山一路前進行抵柏埡塘地方  
接據蒼溪閬中等縣飛報日前由陝竄入川省  
南江各起賊匪今已分股竄至該二縣之龍山  
場老觀場一帶焚掠滋擾距保寧等城均不過  
數十里懇請速撥援兵救應臣等思儀隴等處  
屯聚之賊一時不能竄遁今蒼溪保寧地方既  
已賊氛逼近未便拘泥前奏先向儀隴等處進

剿致有顧此失彼之虞當卽星夜折回應援

臣

英善帶兵趕赴蒼溪並派撥知府王榮榮知縣

張利溥等共帶兵勇六百名繞赴縣城防護又

令知州應先烈帶領兵勇在尖山子要路埋伏

臣恒瑞慶成各帶兵馳赴保寧要路防護郡城

十二日未刻

臣

英善抵烟鋒樓地方卽遇賊匪

一股當卽率領叅將皂祿遊擊翔鳳扎克丹德

祿等及馬步弁兵搶佔山梁施放鎗礮賊衆公然排列搖旗吶喊正在抵死衝撲間應先烈帶領兵勇由左面抄至縱橫衝擊賊匪力不能支卽行敗退兵勇趁勢追殺殲斃五六百名生擒武純秀等六十餘人賊匪隨向東北原路竄回時已昏暮當將兵勇仍在烟鋒樓扼要紮住以防賊匪折回是日午刻臣恒瑞慶成總兵觀祥



各帶弁兵抵回龍場地方卽遇撲犯郡城一股  
賊匪約有數千人結隊前進隨督率侍衛將備  
馬步弁兵奮勇殺斃七八百人賊匪紛紛向西  
奔竄下等恐其與英善迎剿之賊合併復帶馬  
兵馳往抄殺又斃賊數百名保寧府知府李杭  
在二龍場帶領鄉勇設卡堵截進府要路聞知  
敗匪竄近亦從旁截殺甚多並生擒黃中利等

一百十二名凡保寧所屬附近居民得免擾害  
當將獲賊等提訊據供此兩夥賊匪俱係在陝  
省漢中一帶被官兵剿敗竄入南江大家商量  
李全一夥攻撲蒼溪縣王廷詔一夥攻撲保寧  
府城其姚之富齊王氏等夥隨後俱陸續前來  
等語當將該犯概行凌遲梟示查現在剿敗之  
東北一股賊匪有明亮德楞泰之兵自北而南

可以兜剿又有愛星阿柯灌在北面督兵防堵  
無虞他竄惟東南竄匪離儀隴營山一帶較近  
該處各股匪徒盤踞日久加以此等竄匪勾結  
合夥現無官兵剿辦恐致愈形猖獗臣英善卽  
帶兵搜拏蒼溪閬中一帶竄匪暫在保境鎮戢  
民心臣恒瑞慶成卽督兵向東南儀隴營山一  
帶進攻疏通各路以便併力兜擒均奏入

上命軍機大臣傳諭勒保明亮德楞泰恒瑞慶成曰  
賊匪逼入川省之後復分股奔竄首逆等由青石  
關一帶冀欲滋擾通江又有一股欲由小道折回  
陝省其詭詐情形實爲可惡可恨但明亮等果能  
設法前兜後圍將首逆速行擒獲則餘匪自必解  
散乃惟知跟蹤追剿以致賊匪東奔西竄分股逃  
逸似此遷延日久本不應加之恩賚姑念時屆歲

除仍頒年賞以期共迓春禧明亮德楞泰興肇烏爾圖那遜圖桑阿賽冲阿阿哈保阿穆勒塔温春達音泰長春六騰額著各賞給大小荷包俾伊等同沾喜慶迅勉成功現在各股首逆俱會在一處明亮等務須上緊籌辦趁此賊匪窮竄之時易於集事又恒瑞等聞知蒼溪關中地方有另股賊匪滋擾卽折回援應擊退賊匪復向儀隴營山一帶

進攻疏通道路所辦尙好恒瑞英善慶成觀祥亦著各賞給大小荷包恒瑞等尤當倍加感勵速將該處賊匪一鼓殲除

二十八日

癸亥

勒保奏言賊匪自長壽失守之後

分股竄擾一侵江北一入涪州

臣

思江北有百

祥可恃涪州則甚屬空虛查松茂道承勲正在川東督辦糧餉當卽密飭該道督同涪州牧李

培峒策勵兵勇實力堵禦旋據該道稟報賊至  
涪州之黃草山經李培峒親率兵勇殲斃二百  
餘名餘皆擊退其江北境內賊匪經百祥與署  
同知李在文於華蓋山地方堵截殺賊一百餘  
人生擒譚啟萬甘邦一等六十九名訊出江北  
涪州兩處賊匪均由墊江一帶竄去隨飭承勳  
前赴長壽查撫被難民人臣仍一面出示招徠

連日漸已歸集民情寧帖惟查長壽賊匪係王  
三槐徐添德一股人數本多現往墊江大竹交  
界地方屯擾自應先由此路進剿惟臣此來本

未帶有官兵而前調驗兵至今頭起未到事當

萬緊臣又就近續調四川省標新兵二千名數

日內即可趕到猶恐緩不濟急現已派令總兵  
百祥跟蹤進剿並飭附近之總兵朱射斗保興



一赴墊江之沙坪關一赴大竹之北壩子分投  
迎截該鎮等兵力尙單臣一俟所調官兵到有

千餘卽日親往督剿與該鎮等四面兜圍臣連

日訪察各路軍情審度賊勢其所以不能得手

者蓋緣賊匪散漫分股隨處焚掠卽隨處勾脅

是以日久愈多而川陝楚三省犬牙相錯綿亘

數千里崇山峻嶺處處有險可持有路可逃及

至官兵擇隘堵禦賊又向無兵處滋擾以致有  
賊之地無兵有兵之地無賊並有賊過而兵猶  
未來者有兵到而賊已先去者東剿西竄南擊

北馳以言兜剿卽數十路亦難以圈圍以言堵  
禦雖數十萬兵亦不敷分佈臣再四思維現在

陝楚兵多賊少川境則兵少賊多若陝楚各路  
截剿嚴密使賊匪不能北竄歸入川疆誘令散

者漸聚則各路官兵層層逼剿轉覺易於爲力  
竊查明亮德楞泰惠齡各路兵將較多有烏爾  
圖那遜等與之會合剿捕李全等賊匪想不日  
卽可得手臣已飛咨明亮等儘力將陝境廓清  
卽有餘孽寧可逼入川境不使北渡漢江其舒  
亮觀成等兩路官兵一在白岩山一在老木園  
若能卽時掃蕩固屬甚善倘力有未能總須使

現圍之賊不能他竄外來之賊不能合夥俟

臣

大局得手之後卽往併力兜殲自易清楚至額勒登保等一路現將賊匪覃加耀圍困長陽之朱里寨頃接其來信已遵

旨撤赴

臣

處官兵一千三百餘名

臣

卽知會額勒登

保等一俟該處蕨功先由夔州直赴雲萬一帶則東路添此勝兵剿辦更爲周密其冉文儔等

一股賊匪現在營山一路滋擾該處爲達州要  
路經宜綿派令副都統七十五總兵索費英阿  
富爾賽等在彼堵剿現聞恒瑞慶成英善俱在  
川北亦可就近會剿臣目下不能驟與各路會  
合通盤籌畫惟有臣先從川東進剿清一路再  
進一路以期與各路領兵大員及早會合協力

齊心一鼓掃蕩

勒保又奏言川省州縣地方多有未建城垣之處所以捍護稍難卽如長壽失守亦由向無城垣之故該縣知縣程見龍在外巡查猝被賊匪攔截不及趕回守備夏繼元在城禦賊陣亡典史章潮於賊匪開放監獄之時死拒力竭罵賊被戕竟遭剖腹監犯被賊放出脅去有絞犯萬廷勳一名乘間逃出自行投回歷言章潮被難

情節實屬可憐萬廷勳知義投歸亦堪嘉尚

臣

當加獎賞許以懇

恩赦免罪名又長壽縣丁憂在籍知府李坦於民人

紛散之後招集流亡在對河聚處得以及時安

撫臣現已親加慰諭令其幫同地方官收撫難

民惟該令程見龍雖先已在外巡查但平日未

能團練民勇認真堵禦以致縣治失守咎實難

辭現當防堵萬緊之際若不懲一儆百從嚴辦理各州縣視爲泛常難期整飭臣現已將程見龍擸去頂戴枷號該縣地方事竣再行核辦以爲踈防城池者戒

同日明亮德楞泰奏言首逆齊王氏等在五郎廟剿敗後向獨山一路奔逃臣等查明路徑獨

山之北係野人村竹壩子等處該處東北黃柏



堽地方爲通陝省要隘兩山壁立路通一線可  
以扼要迎擊當飭將弁酌帶兵勇將鍋帳等物  
由獨山一路前進使賊人只防官兵在後追擊

臣等挑帶滿漢勁兵於初八日夜卽由五郎廟

抄向黃柏堽兜剿初九日未刻趕至該處派漢

兵數百名於堽口南面扮作鄉勇堵守

臣

等率

同賽冲阿阿哈保巴魯魯侍衛等分帶各兵於

埡口北面山梁駐伏使賊人自南而北不見官  
兵可以誘賊近前痛加擊殺十二日巳刻賊人  
果由野人村一帶前來見埡口北面所設卡座  
無多信爲鄉勇卽搖旗吶喊蜂擁撲上各兵畧  
放數鎗抵禦卽故作退却之勢避至埡口北面  
賊人以爲要隘業被衝開大隊衝過埡口北面  
臣等率設伏各兵從左右兩路突出擊剿賊人

驚駭錯亂卽欲退遁

臣

明亮率同興肇阿哈保

等由左山梁

臣

德榜泰率同賽冲阿達音泰等

由右山梁各壓下抄殺自己至未共斃賊七八

百名生擒二百餘名賊匪翻山溜坡紛紛旁竄

臣

等分投追殺至二十餘里之寬灘河敗逃各

匪分爲兩股一由橫擔梁向香爐山竄走探係

齊王氏等一向船頭嶺竄走探係高均德等查

該二處俱北通陝境寧羌一帶山高澗澗道徑  
險仄賊人詭計欲將官兵誘入深山使馬匹不  
能追逐糧運難以接濟

臣

德楞泰率同賽冲阿

等不帶鍋帳挑帶壯健馬步勁兵裹帶乾糧由  
香爐山緊躡進剿不與以暇又恐該匪等或經  
官兵追剿緊急折竄西北勢將復擾廣元由棧

道大路入陝

臣

明亮卽同興肇烏爾圖那遜阿

哈保圖桑阿巴圖魯侍衛等亦酌帶官兵兼程  
進發由廣元向北抄擊兩面夾攻並飛咨愛星  
阿柯藩等帶兵在川陝交界一帶迎截咨會惠  
齡在太平暫駐相機策應所有連日生擒之犯  
內有廖邦曾何萬仁何元隆楊升全何文舉等  
五名訊係頭目卽行凌遲梟示其餘二百十二  
名係久經從逆戰手卽行正法餘犯六十三名

係脅擄入營卽行保釋均奏入

上命軍機大臣傳諭勒保明亮德楞泰曰此時賊首  
王三槐徐添德等一股竄往熱江大竹交界地方  
屯聚勒保已派百祥朱射斗保興分投迎剿而前  
調黔兵及額勒登保等撤出川兵並添調省標新  
兵想已陸續趕到勒保帶往督剿與該鎮等四面  
兜圍先將王三槐等一股殲擒其餘自當聞風震

懾不攻自潰至所稱剿辦各情形切中向來各路帶兵諸人之弊勒保既能周知暢論自當力除積習大加振作况總統責成較重倘帶兵大員從前實有因循怠玩此時仍不聽指示調遣卽當據實嚴叅不可稍徇情面庶可迅勉成功所有明亮處欽差關防着卽迅速送交勒保接收盖用以專責成又長壽縣治前此被賊滋擾時守備夏繼元禦

賊陣亡著咨部加等優卹典史章潮罵賊被戕竟  
遭剖腹前已加等議卹著查明伊子俟服闋後送  
部引見以示軫卹知縣程見龍雖在外巡查但平  
日未能團練民勇認真堵禦以致縣治失守咎實  
難辭著卽革職治罪至明亮等一路兵多將廣賊  
勢日威本日奏到之摺祇係分路抄截卽所殺賊  
匪不過七八百名仍未擒獲一二賊首猶不滿意



至香爐山船頭嶺等處賊匪既能由此竄逸豈有官兵轉不能行走之理明亮等惟當趁此賊匪窮蹙分竄之時圍逼兜剿使賊匪驅歸一路將首逆按名擒獲倘令賊匪北竄偷渡漢江闌入棧道則伊等獲罪更重凜之慎之

三十日

乙丑

額勒登保福寧奏言

臣

等偵得覃加

耀由長陽之隆坪孫家坪等處仍竄建始地方

遂留將軍成德在長陽之招徠鹽井寺并提督

文圖由長樂縣來至長陽上坪燕子巖等處搜

捕<sub>臣</sub>等卽帶同綸布春慶溥楊遇春等於孫家

坪麻石坪一帶趕殺斬戮賊匪數十名餘賊復

由塌龍河長嶺奔竄當令綸布慶溥率領將

備等跟蹤追剿<sub>臣</sub>等卽帶兵由顧家坪東鄉門

前至巴東地界以備兩面抄擊行至大石橋地

方因該處爲巴東總要之路

臣

福寧暫駐堵截

令總兵富森布帶領四川官兵先行赴川

臣額

勒登保卽由大石橋前至黃木垭轉入建始之

華高坪聞賊匪經綸布春等由建始恩施邊界

石灰窰濫泥渡一帶急追屢有殺戮賊匪已竄

至五寶樹山距華高坪不遠當卽帶領豐紳汪

啟等馳馬趕赴我兵未及上坡賊匪望見官兵

猝至又從嶺上飛奔已被鎗箭擊斃二十餘人  
時已昏黑兼遇大雪未能前進詢之土人賊匪  
奔逃之處名長槽歸蛇地此一帶山徑叢雜亦  
甚逼仄不能容納多人行走維時綸布春慶溥  
等亦已趕至五寶樹山遂令是夜五鼓卽從此  
路緊追臣額勒登保帶兵覓道由落水澗高店  
子折入巴東地方迎擊不期本月十五日以後

大雪不止賊匪出沒無定四路躡緝由楊家壩

追及賊匪未得痛殺又復脫逃臣福寧在大石

橋地方探知賊竄至隆固溪卽帶兵截剿於十

九日在巴東之黃棟坪地方與臣額勒登保會

合賊匪遁入箐林先後搜拏向其思等二十五

名訊係節次與官兵打仗之犯隨俱正法十八

日晚途中又拏獲賊先鋒都文詩一名訊據供

稱覃加耀此時日夜潛逃並不敢在正路行走亦未預定去向有時到人少村莊仍稱是白蓮教驚駭村民希圖掠食若遇人戶多處卽假充本省官兵用銀錢買食不敢擄掠現在所存祇一百五六十人等語當將該犯凌遲處死臣等惟有趕緊追捕早晚定可蕝事奏入

上命軍機大臣傳諭勒保額勒登保福寧曰首逆覃

加耀復由長陽之隆坪等處竄入建始地方又向  
巴東一帶奔逸額勒登保等竟不能攔截剿殺而  
摺內尙稱山徑偏仄不能容納多人又稱大雪不  
止飾詞迴護著再傳旨嚴行申飭昨據勒保奏知  
會額勒登保等一俟該處事竣卽由夔州直赴雲  
萬一帶以爲東路聲援額勒登保等務當知愧知  
懼速擒首逆殲淨餘匪帶領各兵就近迅赴雲萬

一帶聽候勒保調度